

裔 乘
(下)

安南來威圖冊輯略

明・楊一葵撰

明・梁天錫編

玄覽堂叢書

裔

乘

八

卷

(下)

安南來威圖冊 三卷輯略三卷

明楊一葵撰

明萬曆乙卯刊本

明梁天錫編

明隆慶辛未刊本

國立中央圖書館出版

正中書局印行

究必印翻



有所權版

版初壹月八年十七國民華中

(下) 裔 乘 堂 覽 玄
略輯冊圖威來南安 書 叢

元叁拾壹③ 價定本基 三輯初 冊24全

(費匯書運加酌埠外)

館 書 圖 央 中 立 國	者 版 出
奕	者 撰
錫	編
儒	人 行 發
局	刷 印 行 發

(7866) 號九九一〇第字業書版局 認記登業事版出局開新
利(500) 083.3 : 號碼類分

局 書 中 正

(CHENG CHUNG BOOK COMPANY)

號廿四陽街市上島世聖威民華中：址地

(Address: 20 Heng Yang Road Taipei, Taiwan, Republic of China)

3821147: 話電部書機 3821145: 話電室理經

382224: 話電部五門 3821153: 話電部務業

號四一九九: 報刊政郵

銷 經 總 外 海

(OVERSEAS AGENCIES)

司 公 書 圖 威 集 : 銷經總港香

號十第路地龍油龍大區香: 處事辦經

3-886 72-4 : 話電

司 公 書 圖 威 集 : 銷經總本台

地番六五四一: 址地

291-4345: 話電

司 公 書 圖 威 集

地番八九町前門中田區京左市都京: 址地

791-6592: 話電

司 公 書 圖 威 集 : 銷經總國泰

地233路市華輝谷曼國泰: 址地

司 公 書 圖 威 集 : 銷經總國英

(Address: 41 Division St. New York, N.Y. 10002 U.S.A.)

司 公 書 圖 威 集 : 銷經總英

(Address: 14 Gerrard Street London W1, England)

司 公 書 圖 威 集 : 銷經總大拿加

(Address: China Court, Suite 212, 208 Spadina Avenue Toronto;

Ontario CANADA M5T 2C2)

裔乘西南夷卷之七

閩漳浦楊一葵翹卿父著

蘓門荅刺

蘓門荅刺即漢條支唐波斯大食地也人衆甚
多為安息屬國又有弱水漢使者往來莫有能
至者童帝時進鳩鵲鳥高七尺解人言和帝時
甘英使大秦抵條支臨大海欲渡不果後條支
故地為波斯所據波斯匿王乃大月氏別種子

孫以王父為氏遂世為國號戶十餘萬東距中
國萬餘里西距海數百里東南至穆國四千餘
里西北至佛祿國四千五百里國人號王曰嚙
嚙妃曰陟率王之諸子曰殺野元魏以前未通
中國神龜中遣使貢方物上書云大國天子天
之所生願日出處常為漢中天子波斯國王居
和多千萬敬拜朝廷嘉納之自此至梁隋俱遣
使貢獻而隋亦遣使李昱至其國隋末西突厥

葉獲可汗破其國而不能有唐貞觀中獻水珠
行軍之水置土中水自出又獻活褥蛇狀鼯鼠
色正青長八九寸能入穴取鼠是時條支遺種
亦來貢獻後波斯王為大酋所逐大食復攻之
遣使告難高宗以遠不可出師龍朔初又訴為
大食所侵時天子遣使到西域分置州縣以疾
陵城為波斯都督府以其王為都督俄為大食
所滅咸亨中狄入朝授左武衛將軍死時其子

泥涅師為虜京師至調露元年詔裴行儉將兵
護還行儉以道遠至安西碎葉而歸泥涅師遂
客土火羅二十年部落益離散景龍初復來朝
授左威衛將軍病死而西部獨存天寶間遣使
者十輩獻瑪瑙牀火毛繡舞筵乾元初從大食
襲廣州焚倉庫庖舍浮海走大曆時復來獻自
咸亨以來雖貢獻不絕然其地已盡入大食矣
大食王其先亦波斯人初隋大業中牧于俱紛

摩地那山有獸言曰山西三穴有利兵黑石而
白文得之者王其人往果得石如獸言乃聚徒
略貨自立為王遂據波斯之西境後浸強盛遂
滅波斯而南侵婆羅門諸國地廣萬里勝兵至
四十萬盡服康安等五十國遂稱大國云其王
嘗遣人乘船賫糧入海歆極西岸而未能至於
海中見一方石石上有樹枝赤葉青樹上總生
小兒長六七寸見人不語而笑手足皆動摘取

入手即乾黑其使度糧乏難極西界遂持一枝
還見王亦一奇事云唐永徽初大食王敝密莫
末膩後遣使者朝貢自言王姓大食氏波斯國
人得國凡三十四年傳二世矣開元初復遣使
獻馬鈿帶謁見不拜曰國人止拜天無拜王也
有司切責之乃拜初大食族中有摩訶來者勇
而智衆立為王闢地三千里號白衣大食傳十
四世至末換殺兄伊疾而自立群下將討之徇

于衆曰助我者皆黑衣俄而得衆數萬即殺末
換求故王孫阿蒲恭拔為王更號黑衣大食蒲
羅死弟阿蒲恭拂立至德初遣使朝貢代宗取
其兵平兩京阿蒲恭拂死子遂地立遂地死弟
阿論立貞元時與吐蕃相攻十四年遣使含塞
烏鷄沙北三人來朝皆拜中郎將宋乾德四年
僧行動游西域因賜其王書開寶元年遣使來
朝貢四年又貢方物以其使李訶末為懷化將

軍以後朝貢如常太平興國二年遣使貢方物
其從者目深體黑謂之崑崙奴詔賜其使襲衣
器幣從者纁帛有差四年復有朝貢使至雍熙
元年國人花茶復來獻花綿越諾揀香白龍腦
白沙糖薔薇水琉璃器淳化四年又遣其副蕃
長李亞勿來貢其國舶主蒲希密至南海以老
病不能詣闕乃以方物附亞勿來獻希密進象
牙乳香賓鉄紅系古貝五色雜花番錦白越諾

琉璃瓶無名異薔薇水等物詔賜希密敕書錦袍銀帶束帛至道元年其國舶主蒲押陀黎膏蒲希密獻白龍腦膻肭臍龍塩眼藥白沙糖千年末五味子偏桃薔薇水香乳山子蕃錦駝毛褥面白越諾引對於崇政殿奏云父蒲希密因緣射利泛舶至廣州逮令五稔未歸毋令臣遠來尋訪昨至廣州見之具言前歲蒙皇帝聖恩降書賜袍令令臣奉章來謝以方物致貢太宗

因問其國對云與大秦國相鄰為其統屬今本國所管之民數千有都城界山海間又問其山澤所出對云唯犀象香藥問犀象以何法可取對云象用象媒誘致漸以大繩羈縻之耳犀則使人升大樹操弓矢伺其至射而殺之其小者不用弓矢可捕獲上賜以襲衣冠帶被褥等物宴犒遣回詔賜蒲希密黃金準其所貢之直三年二月又與賓童龍國使來朝咸平二年又遣

判官文成至三年舶主施婆離遣使穆吉鼻來貢吉鼻還賜施婆離詔書并器服駿馬六年又遣使婆欽羅三摩尼等對於崇政殿持真珠以進自云離國日誠願得瞻威顏即獻此乞不給回賜真宗優嘉恩賞景德元年又遣使來時與三佛齊蒲端國使並在京師會上元觀燈皆賜錢縱其宴飲其年秋蕃客蒲加心至四年又遣使會占城使來許徧至苑囿寺觀覽大中祥符

元年十月車駕東封陟婆離上言願執方物赴
泰山從之初貢路繇沙州涉夏國抵秦州後若
西人鈔掠乃詔取海路繇廣州至京師政和中
橫州士曹蔡蒙休押伴其使入都汭道故滯留
強市其香藥不償直事聞下詔獄詔自今蕃夷
入貢並選承務郎以上官押伴無故不得留滯
取賈市者以自盜論建炎三年張浚奏大食國
遣使遠奉珠玉寶貝等物已至熙州上宣諭曰

大觀宣和間茶馬之政廢川茶不以博馬惟市珠玉故馬政浸缺武備不收致胡虜亂華危弱之甚令若復損數十萬緡貿易無用珠玉曷若惜財以養戰士宜以禮謝遣之紹興元年六年俱以舶船入貢乾道四年進貢方物初遣使賞寶貝象牙乳香等入貢舟至占城為所奪訴於福建市舶上令以理遣回開禧間遣使入貢我朝洪武初國王遣使貢馬及方物永樂初國王

宰奴里阿必丁遣使朝貢封為蘓門答刺王

賜印誥金幣既而國王與花面王戰敗死子幼
王妻慕能復讎者我以為夫于是有一漢翁領
兵攻殺花面王遂妻故王妻自稱老王而得其
國遣使來貢無何故王子長陰與部目謀殺漁
翁復故位而漁翁之嫡子蘓幹刺者逃居鄰谷
自立為王率眾攻故王子會太監鄭和至其國
發兵擒獲蘓幹赴京伏誅王子感 上德貢方